

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 4. stav 1. Pravilnika o postupcima u provođenju Programa razvoja male privrede za period od 2021. do 2024. godine („Službene novine Zeničko-dobojskog kantona“, broj: 14/21) i Programa utroška budžetskih sredstava (Subvencije privatnim preduzećima i poduzetnicima), broj: 02-11-2664/24 od 09.02.2024. godine, na prijedlog Ministarstva za privredu, Vlada Zeničko-dobojskog kantona, na 23. sjednici, održanoj dana 09.04.2024. godine, d o n o s i

ZAKLJUČAK

I.

Daje se saglasnost na Uputstvo za dodjelu sredstava po Javnom pozivu za sufinansiranje izlaganja privrednih subjekata na privrednim sajmovima u 2024. godini, broj: 04-11-6159/24 od 25.03.2024. godine, koje čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/24
Datum, 09.04.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x a/a.



UPUTSTVO
ZA DODJELU SREDSTAVA PO JAVNOM POZIVU
ZA SUFINANSIRANJE IZLAGANJA PRIVREDNIH SUBJEKATA NA
PRIVREDNIM SAJMOVIMA U 2024. GODINI

Zenica, mart 2024. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i Pravilnika o postupcima u provođenju Programa razvoja male privrede za period od 2021. do 2024. Godine („Službene novine Zeničko-dobojskog kantona“, broj: 14/21), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
ZA DODJELU SREDSTAVA PO JAVNOM POZIVU
ZA SUFINANSIRANJE IZLAGANJA PRIVREDNIH SUBJEKATA NA
PRIVREDNIM SAJMOVIMA U 2024. GODINI**

**1. OSNOV ZA DONOŠENJE UPUTSTVA ZA DODJELU SREDSTAVA PO
JAVNOM POZIVU ZA SUFINANSIRANJE IZLAGANJA PRIVREDNIH
SUBJEKATA NA PRIVREDNIM SAJMOVIMA U 2024. GODINI**

U skladu sa članom 9. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), Vlada Zeničko-dobojskog kantona je Zaključkom, broj: 02-24-8569/21 od 16.06.2021. godine donijela Program razvoja male privrede Zeničko-dobojskog kantona za period 2021.-2024. godina. Programom razvoja male privrede Zeničko-dobojskog kantona su utvrđene: smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, metodologija provođenja i praćenja provođenja pojedinih mjera. Program razvoja male privrede Zeničko-dobojskog kantona je usklađen sa Strategijom razvoja Zeničko-dobojskog kantona 2021.-2027. godina.

Program utroška budžetskih sredstava u 2024. godini – Subvencije privatnim preduzećima i poduzetnicima donesen je u skladu sa članom 28. stav (1) i članom 46. stav (1) Zakona o izvršavanju budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24) i odredbama Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20). Program je usaglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu.

Tačkom 5. Programa utroška budžetskih sredstava u 2024. godini–Subvencije privatnim preduzećima i poduzetnicima pod nazivom: „Subvencioniranje organizacije i učešća na sajmovima, privrednim susretima i manifestacijama“ u dijelu pod nazivom „Kriterij“ navedeno je da će Ministarstvo za privredu raspisati javni poziv za dodjelu sredstava, u skladu sa Uputstvom za dodjelu sredstava u 2024. godini.

2. IZVOR FINANSIRANJA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), planirana su finansijska sredstva, ekonomski kod 614500–Subvencije privatnim preduzećima i poduzetnicima u iznosu od **4.000000,00 KM**. Za tačku 5. iz Programa planirana su sredstva u iznosu 400.000,00 KM.

3. NAČIN DODJELE SREDSTAVA

Ministarstvo za privredu Zeničko-dobojskog kantona će izvršiti dodjelu sredstava po tački 5. Programa objavljivanjem Javnog poziva kako slijedi:

„Na osnovu Programa utroška budžetskih sredstava u 2024. godini (Subvencije privatnim poduzećima i poduzetnicima) usvojenog Odlukom Vlade Zeničko-dobojskog kantona, broj: 02-11-2664/24 od 09.02.2024. godine, Uputstva broj: 04-11-6159/24, a u skladu sa Zakonom poticanju razvoja male privrede („Službene novine Zeničko-dobojskog kantona”, broj: 7/16 i 7/20) i članovima 12. i 13. Uredbe o uslovima i postupku za dodjelu pomoći male vrijednosti – de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu/gospodarstvo, raspisuje:

JAVNI POZIV za sufinansiranje izlaganja privrednih subjekata na privrednim sajmovima u 2024. godini

I PREDMET POZIVA

Pozivaju se privredna društva i obrtnici - subjekti male privrede, registrovani na području Zeničko-dobojskog kantona i koji obavljaju djelatnost iz područja C (prerađivačke djelatnosti), I (djelatnosti pružanja smještaja te pripreme i usluživanja hrane - hotelijerstvo i ugostiteljstvo) i S (ostale uslužne djelatnosti) da podnesu zahtjev za subvencioniranje (akontacija i refundacija) dijela troškova učešća na privrednim sajmovima, koji će se održati u 2024. godini i koji su se održali u 2024. godini do dana podnošenja Prijave.

II IZVOR SREDSTAVA

Sredstva za subvencioniranje dijela troškova učešća na privrednim sajmovima, navedenim u Poglavlju I ovog Javnog poziva osigurana su u Budžetu Zeničko-dobojskog kantona za 2024. godinu i planirana Programom utroška sredstava Ministarstva za privredu za 2024. godinu.

III MAKSIMALNI IZNOS SREDSTAVA ZA ISPLATU

Maksimalni iznos sredstava koji se može odobriti i isplatiti podnosiocu prijave je 50% ukupnog iznosa troškova, ali ne više od 3.000,00 KM.

IV POTREBNA DOKUMENTACIJA

Uz prijavu (Obrazac u prilogu) na Javni poziv podnosioci prijave su obavezni dostaviti original ili ovjerene kopije sljedećih dokumenata:

1. Uredno popunjena prijava (obrazac u prilogu),
2. Rješenje o registraciji (ukoliko je podnosilac privredno društvo) ili rješenje o odobrenju obavljanja djelatnosti (ukoliko je podnosilac obrtnik),
3. Dokaz o učešću na sajmu ili dokaz da se privredni subjekt prijavio na sajam (kao dokaz za akontaciju potrebno je priložiti prijavu na sajam i predračun, a za refundaciju prijavu, račun i izvod iz banke, ovjeren od strane banke, na kojem je vidljiva uplata),
4. Original ili ovjerena kopija Uvjerenja o uredno izmirenim direktnim porezima i doprinosima (uvjerenje Porezne uprave Federacije Bosne i Hercegovine) ne starije od 60 dana računajući od dana objave ovog Javnog poziva,
5. Uvjerenje o uredno izmirenim indirektnim porezima izdato od Uprave za indirektno oporezivanje BiH (ukoliko je podnosilac po Zakonu o porezu na dodatu vrijednost u sistemu, a ukoliko nije, dužan je dostaviti Izjavu da privredni subjekt nije u sistemu PDV-a, ovjerenu od strane nadležnog organa – notar ili gradska/općinska služba) - ne starije od 60 dana u odnosu na dan podnošenja zahtjeva. Iznimno, ukoliko do trenutka podnošenja prijave na Javni poziv, podnosilac nije pribavio Uvjerenje o uredno izmirenim indirektnim porezima, podnosilac može aplicirati na Javni poziv uz predočavanje dokaza da je predao zahtjev za izdavanje pomenutog uvjerenja (Zahtjev za izdavanje uvjerenja i virmanska uplatnica za uplatu takse za izdavanje Uvjerenja koja je uplaćena u korist UIO). Podnosioci koji na ovaj način apliciraju dužni su, u roku od 15 dana od dana zatvaranja Javnog poziva, dostaviti traženo uvjerenje Uprave za indirektno oporezivanje na isti način kao što su predali prijavu na Javni poziv, jer će suprotnom prijava biti odbačena kao neuredna,
6. Uvjerenje komercijalne banke da je žiro račun podnosioca zahtjeva aktivan, ne starije od 60 dana u odnosu na dan podnošenja zahtjeva (original ili fotokopija ovjerena od nadležnog organa – notar ili gradska/općinska služba),
7. Potpisana i ovjerena Izjava (ovjerena pečatom podnosioca zahtjeva i potpisana od strane ovlaštenog lica) o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – www.zdk.ba),
8. Bilans stanja i uspjeha za 2023. godinu – odnosi se na podnosioca koji posluju duže od 12 mjeseci (fotokopija ovjerena od nadležnog organa –

notar ili gradska/općinska služba),

9. Obavještenje o razvrstavanju pravnog lica (ili dijela pravnog lica) prema klasifikaciji djelatnosti izdato od Federalnog zavoda za statistiku,
10. Rodni list (ukoliko je podnosilac vlasnik osoba mlađa od 35 godina ili žena) (ovaj dokument nije eliminatoran već služi kao dokaz za bodovanje),
11. Lista osiguranih lica za obveznika (ovaj dokument nije eliminatoran već služi kao dokaz za bodovanje).

NAPOMENA: Sve izjave moraju biti ovjerene kod nadležnog organa uprave ili notara.

V NAČIN OCJENE PRIJAVA

Sve dostavljene prijave će se ocjenjivati u dva koraka, u skladu sa ispod propisanim kriterijama, pri čemu je prvi korak eliminatoran, dok se u drugom koraku vrši ocjenjivanje u skladu sa kriterijima. Podnesene prijave provjerava i ocjenjuje Komisija imenovana od ministra Ministarstva za privredu/gospodarstvo.

Ispunjenost administrativnih zahtjeva

U sklopu ove tačke Javnog poziva, po prijemu i otvaranju prijave, ocjenjuju se sljedeći elementi:

- da li je prijava stigla u utvrđenom roku. Ukoliko nije, prijava se automatski odbija.
- da li prijava ispunjava sve navedeno u Poglavlju IV javnog poziva. Ukoliko ne ispunjava, prijava neće biti dalje razmatrana.

Evaluacija prijava

Evaluaciju prijava koje su prošle prethodnu provjeru će vršiti Komisija. Evaluacija prijava podrazumjeva ocjenu u skladu s kriterijima za ocjenjivanje.

Evaluacijski kriteriji su podijeljeni na kategorije gdje se svaka kategorija boduje u rasponu od 1 do 5.

r/b	Evaluacijski kriteriji	Maksimalan broj bodova
1.	Privredni subjekt ima 4 i više zaposlenih: 4 – 9 zaposlenih 10 – 30 zaposlenih 31 – 80 zaposlenih 81 – 249 zaposlenih	1 4 5 3
2.	Privredni subjekt je u većinskom vlasništvu osoba mlađih od 35 godina starosti ili u vlasništvu žena	Da – 5 Ne - 0
3.	Ravnomjerniji regionalni razvoj (Stupanj razvijenosti JLS)	

	grupa IV	5
	grupa III	4
	grupa II	3

¹Za ocjenu zahtjeva po kriteriju br.3. iz prethodne tabele koriste se podaci Federalnog zavoda za programiranje razvoja - Socioekonomski pokazatelji po općinama FBiH 2022. godina, https://fzpr.gov.ba/files/Socioekonomski%20pokazatelji%20po%20op%C4%87ina/Socioekonomski%20pokazatelji%202022_web.pdf

Grupa II: Dobož – Jug, Tešanj, Zenica

Grupa III: Visoko, Kakanj, Usora, Breza, Maglaj, Žepče,

Grupa IV: Zavidovići, Olovo, Vareš.

VI DRUGE NAPOMENE I INFORMACIJE

Po zaprimljenoj prijavi, pošto je konstatovana ispunjenost administrativnih zahtjeva, Komisija na osnovu kriterija naznačenih u Javnom pozivu vrši ocjenjivanje prijave i sačinjava listu podnosilaca prijave koji nisu uvršteni na listu potencijalnih korisnika sa navođenjem razloga neuvrštavanja, koju Ministarstvo objavljuje na web stranici Kantona. Podnositelj prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona. U slučaju da više podnosilaca prijave, nakon ocjenjivanja, ostvare isti broj bodova, prednost u odobravanju sredstava imaju prijave koje su ranije hronološki zaprimljene.

Nakon postupanja po svim prigovorima, Ministarstvo utvrđuje prijedlog odluke o izboru izlagača, a odluku na prijedlog Ministarstva donosi Vlada. Odluka se objavljuje na web stranici Kantona. Na osnovu Odluke o izboru izlagača Ministarstvo za privredu/gospodarstvo sa odabranim izlagačima, zaključuje ugovor o međusobnim pravima i obavezama (ukoliko se radi o akontaciji sredstava). Ministarstvo na osnovu donesene Odluke ima pravo da koristi informacije u vezi sa realizacijom zajedničke izložbe u svrhu promocije Zeničko-dobojskog kantona. Izlagač se obvezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

Prijava koja ne sadrži svu dokumentaciju traženu Javnim pozivom, koja nije pravovremena odbacuje se zbog neispunjavanja formalno-pravnih uvjeta, bez obaveze daljnjeg razmatranja.

Naknadne izmjene i dopune prijave, dostavljene nakon isteka roka za podnošenje prijave, se neće uzimati u obzir.

U postupku po Javnom pozivu Ministarstvo ne snosi nikakve troškove učesnika Javnog poziva.

Ministarstvo ne snosi odgovornost prema učesnicima Javnog poziva, u pogledu

aktivnosti koje su poduzeli u cilju apliciranja za određeni poticaj.

Dostavljena dokumentacija se ne vraća podnosiocu prijave.

Javni poziv ostaje otvoren **15 dana** od dana objavljivanja na web stranici Kantona.

VII MJESTO I NAČIN PODNOŠENJA PRIJAVA

Prijava iz Poglavlja IV Javnog poziva sa priložima u zatvorenoj koverti, podnosioci dostavljaju lično na Protokol Zeničko-dobojskog kantona ili putem pošte na sljedeću adresu:

ZENIČKO-DOBOJSKI KANTON
MINISTARSTVO ZA PRIVREDU/GOSPODARSTVO

Kučukovići br. 2

72 000 Zenica

Sa naznakom:

“ JAVNI POZIV

**„Za sufinansiranje izlaganja privrednih subjekata na privrednim sajmovima u
2024. godini“
NE OTVARATI”**

Na poledini koverta navesti:

- naziv subjekta;
- adresu i kontakt telefon;
- ovjeriti pečatom.

Prijave dostavljene drugim putem (npr. putem faksa ili e-mail-a), neće biti uzete u razmatranje.

U slučaju eventualnih promjena podnositelji zahtjeva će biti blagovremeno obaviješteni.

Sve detaljne informacije mogu se dobiti u Ministarstvu za privredu/gospodarstvo, tel: 460-720, 460-721, fax. 460-722, e-mail: min.privreda@zdk.ba, <http://www.zdk.ba>

4. ROK

Javnim pozivom precizirat će se rok za dostavu dokumentacije odnosno krajnji datum dostave dokumentacije.

5. KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava. Za svoj rad komisija odgovara ministru Ministarstva za privredu. Po uredno prispjelim zahtjevima, na osnovu kriterija naznačenih u Javnom pozivu, Komisija vrši ocjenjivanje

prijava. Komisija sačinjava listu podnosilaca prijava koji nisu uvršteni na listu potencijalnih korisnika iz formalno pravnih razloga (sa navođenjem razloga neuvršćavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

6. POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

7. ISPLATA SREDSTAVA - REALIZACIJA POTICAJA

Na osnovu odluka o odobravanju sredstava i/ili potpisanih ugovora sa korisnicima sredstava, Ministarstvo za privredu podnosi naloge za isplatu sredstava Ministarstvu finansija.

Broj: 04-11-6159/24
Zenica, 25.03.2024. godine

Šibonjić

MINISTAR

Samir